

職方典第四百二十一卷

懷慶府部彙考四

懷慶府驛遞考

通志府縣志合載

府屬總

覃懷馬驛在府治東今廢移入河內縣內

萬善馬驛在河內縣釐一毫

遇閏加額銀

在府城東今裁

寧郭馬驛

寧郭遞運所俱在武陟縣西北三十里

河陽馬驛

孟縣遞運所俱在孟縣南十五里今廢俱入縣內

各驛總額

本府屬額設驛塘馬共二百六十九匹內裁馬六匹實在馬二百六十三匹

本府屬驛站

併協濟共原額銀四萬四千一百七十六兩九錢五分九釐除荒實徵銀三萬四千二百六十

兩三錢六分七釐一毫

遇閏加額銀三千四百七十三兩八錢三分四釐四毫除荒實徵

銀二千八百七十三兩六錢九分七釐零

以上連閏共實徵三萬七千一百三十四兩六

分四釐三毫內除裁里夫工食吹手工食走遞青夫皂隸工食並協濟撥協改解司庫等項共銀一萬七千六百二十三兩七錢一分四釐九毫實在銀一萬九千五百一十兩三錢四分零又收協濟兌解留用解司正項銀四百六十五兩九錢九分五釐二項共銀一萬九千九百七十六兩三錢四分四釐三毫除仍餘銀二千四百五十三兩五分二釐零實在銀一萬七千五百二十三兩二錢九分二釐

鋪舍附

河內縣

急遞總鋪在縣前南街 東路王召鋪十里 馬鋪二十里 尙香鋪三十里 三

家鋪四十里 武德鎮鋪五十里 西路廣立鋪十八里 柏香鋪三十里 南路

沙岡鋪十里 藍扈鋪二十里 清化鎮鋪四十里 原莊鋪六十里 東南路祝

策鋪十里 北路萬北鋪三十里 西北路官莊鋪十里 萬善鋪二十里 長老

灣鋪三十里 長平鋪四十里 東北小路界溝鋪二十里 朱營鋪三十里 車

家作鋪四十里

濟源縣

總鋪在縣治前街東郵亭一

廣化鋪在縣治東十里郵亭一

梨林鋪在縣治東二十

里郵亭一

軹城鋪在縣治東南十里郵亭一

張金鋪在縣治東南二十五里郵亭一

武陟縣

總鋪在城廢

邸閣鋪

馬曲鋪

小原鋪

東店鋪

水寨鋪

南灘鋪

虹橋鋪

石荊鋪

文斜鋪

夏封鋪

官莊鋪

寧郭鋪

張鋪

孟縣

總鋪在縣治前

穀旦鋪在縣北十五里

進忠鋪在城南五里

懷慶府兵制考

府縣志合載

本府合屬

原設河北總兵官一員駐劄懷慶府康熙七年移駐開封府另設懷慶叅將八年仍移總兵駐懷慶裁叅將

標下左營遊擊一員 守備一員 千總二員內分防濟源一員 把總四員內分防

修武一員

標下右營遊擊一員 守備一員 千總二員內分防武陟一員 把總四員內分防

孟縣一員溫縣一員

河北鎮經制兵四千四百六十名內馬兵八百九十二名步兵三千五百六十八名

懷慶衛在府治東明洪武六年建以指揮領之其掌印京操宣府操城操屯田管局巡捕各員俱考選其幕經歷司鎮撫司其轄左右前後千戶所四百戶所四十

屯田二千三十四頃八十六畝五分 屯糧一萬二千九石一斗九升三合

軍器局在衛治西南 演武場在府城南門外各縣俱有

國朝懷慶衛丁地事務歸併懷慶府屬河內濟源修武武陟孟縣溫縣及直隸東明縣各縣管理

懷慶府物產考

府志

府屬總

果類

石榴出孟縣

桃各縣俱有

柿

李

棗

梨

花紅

栗子

蘋婆出武陟孟縣

木類

楊

梓

柳

榆

桑

槐

柏

栲

藥類

紫菀

黃芩

山查

補骨脂

桔梗

黃精

葛根

車前子

蒼朮

苦參

遠志

兔絲子

山藥

萆薢

百合

地骨皮

地黃

劉寄奴出孟縣療金瘡之要藥也相傳昔劉裕過大蛇道旁與之鬪蛇傷而去翼日裕復至其地見數童子採藥裕問之答曰吾主爲劉寄奴所傷以此治之裕叱之遂不見蓋寄奴裕之初名也故以爲名云 知母出河內川谷間爾雅謂之薺蒺藜又名蜚母安陽輝縣亦有之

天門冬出河內濟源二縣一名顛勒爾雅謂之薺藟冬內篇謂之延門冬或名顛棘抱朴子云杜微服天門冬日行三百里 牛膝出河內陶隱居云莖長大有節似牛膝故名圖經云

有二種莖節紫而大者爲雄青而小者爲雌

葫蘆巴出河內圖經云其種本出海南諸番

芎藭一名香果河內人多時於庭徑其芬香襲人

防風出河內其根類蜀葵湯陰林縣磁

州涉縣皆有之

菱出溫縣平臯坡中

皂角出河內

熊膽出太行山詩義疏曰熊

能攀援上樹見人則顛倒投地而下圖經云膽味極苦

驢出太行山山海經曰其狀如麋

四角馬尾而有距善還舞其鳴自訕

青魚出濟源形如鯉而背青色又頭中骨煮拍之可

以製器

硝州縣鹹濕之地多有之惟產孟縣者良圖經云初採淋汁鍊成曰朴硝再鍊而

堅白曰硝石取朴硝以水鎔之經宿結芽曰茫硝方家取製爲元明粉服之可以延年 葭

灰魏祖珽信都芳以律管吹灰試之無驗後得河內葭灰應節便飛餘灰卽不動也 天壇

藤杖葉少蘊避暑錄云天台杖柔韌而輕堅如束筋天壇藤外圓實與此不類 王鮪魚宋

景文公筆記河陽出王鮪魚卽今黃魚形如豕口與目皆在腹下每春二月出於石穴逆河而

上人乃取之今絕無

府志未載物產

各縣志

穀屬

黍

稷

稻

麥

蕎麥

芝麻

黑豆

葛秫

藁豆

白豆

粦麥

玉麥

蔬屬

葱

韭

蒜

茄

蔓菁

芫薹

藤蒿

蘿蔔

白菜

菠菜

絲瓜

王瓜

眉豆

蒿苳

壺蘆

姜豆

果屬

藕

葡萄

沙果

軟棗

核桃

杏

草屬

蒲

艾

茅

蘆

藥屬

附子

益母草

薄荷

萊菔

花屬

玉簪

牡丹

薔薇

金鳳

鷄冠

海棠

月季

木瓜

丁香

水紅

迎春

地棠

荷花

茉香

水仙

茶蘼

禽屬

鴉

鳩

鵲

雀

鷄

鵝

鴨

鵲鵲

貨屬

煤

炭

梭絡

以上各屬俱同

懷慶府古蹟考

府志

本府

河內縣附郭

邶城在府西北二十里周武王子所封左傳邶管應韓武之穆也水經注云野王西北有故邶

城城南有邶臺今仍呼其城爲邶臺村

期城在府城西三十里水經注沁水東逕沁水亭

世謂之小沁城又東倍澗水注之期城城基在倍澗水西卽小沁城也今名覆背村

野王

城卽今之府城左傳執曼弱于野王戰國衛君角阻山而保野王水經注沁水又東逕野王北

故城卽此 安昌城在府城東南六十里漢縣成帝時封張禹爲安昌侯卽此隋置安昌縣

唐省 武德城在府東五十里後魏置武德郡隋改縣曰邢丘唐改曰武德宋廢爲鎮今之

武德鎮是也 鄴城在府東北四十里司馬彪郡國志曰山陽有鄴城京相璠曰河內山陽

西六十餘里有鄴城水經注曰丹水逕鄴城西卽此唐置太行縣尋廢宋元以來改爲清化鎮

紫陵城在府西北三十里唐初置紫陵縣尋廢今爲紫陵村 忠義城在府城西南三十里

唐初置縣尋廢今爲崇義鎮 梔子城在府北太行山頂其路羊腸百折中有平地僅一畝

唐初築城以控懷慶澤州之衝其城甚小故名 東金城在府城東四十三里 西金城

在府城東北三十里水經注金亭卽此元魏地形志亦云武德郡有金城 中都城在府城

東北二十里元魏地形志云武德郡有中都城水經注光溝水逕中都亭南今爲內都村

萬善城在府城北二十里唐武宗討劉稹河陽節度使王茂元屯兵于此李克用出天井關諸

葛爽屯兵萬善以拒之明爲萬善驛今廢 苑鄉城在府城北水經注丹水西逕苑鄉城北

南屈東轉逕其城南東南流入于沁水 成鄉城在府城東北水經注光溝水經成鄉城北

絺城在府城西南左傳王以絺與鄭後復歸周以賜晉文公杜預云野王西南有絺城按通志一名付遂城 柏鄉城在府城西三十五里金元以來爲鎮 先師迴車廟在府城北十

里水經注邳水東南逕孔子廟東廟在今義河莊莊居邳城東南殘碣猶載其事酈道元所稱卽此廟也 沁園在府東北三十里沁河北岸金時官僚宴遊之地相傳有石圖本今不可

考 射犬聚水經注長明溝水東逕射犬城北漢赤眉衆十餘萬在射犬光武進擊大破之後河內太守張揚爲將揚醜所害眭固殺醜屯此在今清化東南 新店在府城北二十里

唐武宗討劉稹王茂元屯軍萬善嶺牙將劉公直潛師過萬善南五里焚雍店相傳今新店卽雍店因公直焚後更建故名 竹城在府城北舊崇教鄉宋大中祥符間建 丹口在府

城東北水經注丹水逕苑鄉城南東南流注于沁謂之丹口 羊腸坂在府城北史記正義

曰太行山坂道名括地志云在懷州河內北二十五里曹孟德詩羊腸坂詰屈卽此 迎風

樓在府城北宋王巖叟有千峯南向四時碧一水東流萬古寒之句 華嶽廟在府城北郭

沁水北水經注廟側有攢柏數百根對郭臨川負岡陰渚青青彌望奇可玩也魏懷州刺史李

洪之所構今廢

望嶽樓在府城內元初建臺高百尺上起飛構後有堂曰具瞻面嵩少背

太行一郡勝概

懷川閣在府城內舊懷州治宋尹洙建

鎮山亭在府城上金沁南軍

節度使耿光祿建以鎮遏太行之寇碑刻尙存

懷古堂在府城內舊懷州治唐太守杜正

倫建

丹林山海經沁水之東有林焉名曰丹林今府城北丹水之曲竹木交蔭卽其地也

牧愛堂在府城內舊節度使廳事

大臺在府城東漢光武遣王梁擊赤眉賊於此

許

文正別墅在府城北十五里景賢村村有文正公祠田二十八畝後爲鄉民所有正德間巡撫

李公檄有司贖取之畀許氏子孫世守焉今呼爲崔家莊

張旨宅在府城節婦坊旨宋直

龍圖閣初旨遊學數年不還家人欲嫁其妻李李守節而死因以名坊

何文定公別墅在

府城南四里南上村

劉自然菴在府城東北柏山

義鹿塚在府城南門外明萬曆年

閒河內令侯公德政及物臨行麋鹿銜衣不食水草嚙叫而死

丹谷在府城東北魏莊帝

殺爾朱榮世隆北叛詔源子恭鎮太行丹谷卽此

濟源縣

原城在縣西北四里夏后杼居原晉文公伐原示信卽此杜預曰河內沁水縣西北有原城今呼爲原村遺趾尙存 曲陽城在縣西南一十五里史記秦拔我新垣曲陽之城國語王以

陽樊賜晉卽此

陽樊城在濟孟之交湨水南岸周樊仲山所居其孫仲皮叛虢公執之於

此後襄王賜晉文公今呼皮城

軹城在縣東南十三里史記秦昭王伐魏取軹漢爲縣文

帝封薄昭爲軹侯卽此今名軹村

西濟州城在縣西北唐置跨城東垣稍北乃唐以來濟

源縣舊城也

沁水城在縣東北沁水南沁臺西漢爲沁水縣水經注沁水出山過沁水縣

北卽此今呼爲王寨城

王屋縣城在縣西八十里周召康公采邑縣西有祠後周置縣唐

改邵伯元省入濟源

東丘陽水經注在原城東北

柏崖城在縣西周李穆攻拔北齊

柏崖鎮令盧愷作露布後王世充以懷州僑治於此唐咸亨初置柏崖倉宋白曰河清縣有柏

崖城侯景所築

湨陽城在縣東南李莊里唐置縣尋省入濟源縣

燕川縣在縣唐置

後省入濟源縣

河清縣在縣西南五十里唐武德二年置隸懷州八年省後屢置屢廢多

隸洛陽

勳寧城在縣南西北二十五里東魏高歡築以禦西魏

靈源閣在縣濟濱上

俗呼水殿時人拋香醜酒於此

夜香臺在縣東北宋邑令陳省華妻馮氏於此焚香夜禱

曰不求金玉富但願子孫賢後三子皆爲名臣馮氏封滕國太夫人

憩鶴臺在縣西王陽

東山上世傳王子晉騎鶴曾憩於此

望懷亭在縣東北三十里下臨枋口唐賢游詠之所

房公亭在濟瀆廟西唐房瑄爲邑令建

裴公亭在濟瀆廟側唐相裴休建

青龍亭在

濟瀆廟後

萬柳亭在縣西莽水北岸唐白居易有獨立蒼茫殘照外落花飛絮點人衣之

句

軒轅亭在縣西天壇頂世傳軒轅於此更衣又名換衣亭

思賢堂在縣治內元至

元間縣尹劉源建

草堂在濟瀆廟西宋傅堯俞建俗呼其遺趾爲傅家園

鐵岸在縣

北濟瀆廟東夾濟河岸石如鐵因名

會春園在濟水北岸五代周顯德中置

吏隱園

卽今縣治舊三善軒扁額有唐元和年記

寶氏園在縣鐵岸北一名寶家溪宋王巖叟詩

有李郭名園

玉碑子疑卽今濟源碑子村唐盧全有哭玉碑子文

四合堂在縣延慶

寺西爲陳省華父子四人建宋司馬光有記

蓼塢在縣西南西魏將楊擲攻破塢獲東魏

李顯處

苗亭在縣西楚若敖之亂伯賁之子賁皇奔晉晉人與之苗以爲謀主路史曰河

內輒縣有苗亭卽賁皇采邑

岑參青蘿齋在縣青蘿河

蕭俛舊墅在縣唐穆宗時俛

治墅濟源城西自放山野優游窮年

處士墅在縣溫造隱王屋山人號其居曰處士墅

盧仝別墅在縣西北二十里石村之北玉川烹茶館在焉仝詩買得一片田濟源花洞前卽此
傅堯俞別墅在縣西北盤谷山堯俞以論新法不爲王安石所容築室濟源盤谷時竹木游詠
其間一時名士爲之賦詩者甚多許洛舊老與之往來悠然自適若將終身者

修武縣

攢城在縣西北二十里周襄王賜晉文公攢茅之田卽此今爲大陸村

雍城在清化裏修

武西古雍國文王子所封左傳郤雍曹滕文之昭也杜預云雍在河內山陽西

山陽城在

修武西北三十五里漢置山陽縣曹丕篡漢廢獻帝爲山陽公

南陽城在修武北三十里

左傳晉啟南陽卽此唐韓愈世家焉

隤城在修武左傳王以隤與鄭卽此

小修武城

在縣東南十五里漢高祖宿小修武奪張耳韓信軍於此今名宣陽驛

濁鹿城在縣西北

六十里漢獻帝葬城北俗呼獻陵

呂公城在縣西五十里

甘泉閣在縣閣下有井泉

香而冽故名

醒酒臺在縣東北百家巖前有巨石晉劉伶醒酒處

避暑樓在縣百家

巖西漢獻帝避暑於此

連理槐在縣西二十里義門村兩樹相去三步許上有一枝交貫

甚茂元張弘毅家物也

武陟縣

沁陽城在沁水北河內武陟之交水經注懷縣北有沁陽城沁水逕其南而北注今呼沁陽村故懷城在武陟西十一里韓詩外傳武王伐紂到邢丘更名邢丘曰懷春秋赤翟伐晉圍懷竹書紀年秦伐鄭圍懷水經沁水東過懷縣之北卽其地也今爲張村村東南有舍利塔高凌雲漢建於唐五代周顯德二年重修

隰城在縣西南十五里左傳王與鄭隰城又取太叔於

溫殺之於隰城是也羅泌曰隰城西有古懷城

鄆人城在縣西南十五里春秋傳卻至與

周爭鄆田卽此

樊城在縣西四十五里漢樊噲屯兵處今名古樊城

司馬城在縣西

南三十里晉司馬炎之故城今爲司馬鎮

永橋城後周韋孝寬破尉遲迴軍於懷州進次

永橋城之東南又破尉惇於永平橋宋白曰隋大業十年移修武縣於永橋卽今武陟

盟